

ANG SIMPLE NGA PLANO SA KALUWASAN SUMALA SA ROMA

PASIUNA:

I Juan 5:13 Kining mga butanga gisulat ko kaninyo nga nanagpanoo sa ngalan sa Anak sa Dios, aron mahibaloan ninyo nga nakadawat kamo sa kinabuhi nga walay katapusan.

I MAKASASALA KITANG TANAN.

Roma 3:10 Ingon sa nahasulat na: Walay bisan kinsa nga matarung; bisan usa lamang:

Roma 3:23 Kay ang tanan nanagpakasala, ug nawad-an sa himaya sa Dios;



MAKASASALA KITANG TANAN

II MAY KABAYARAN ANG SALA.

Roma 6:23a Kay ang bayad sa sala mao ang kamatayon; apan ang walay-bayad-nga hatag sa Dios mao ang kinabuhi nga walay katapusan nga anaa kang Cristo Jesus nga atong Ginoo.

Roma 5:12 Busa, ingon nga pinaagi sa usa ka tawo, misulod ang sala sa kalibutan, ug pinaagi sa sala ang kamatayon; ug tungod niana, ang kamatayon mikaylap sa tanang mga tawo, kay niana ang tanan nakasala;

Apocalipsis 21:8 Apan ang mga talawan, ug ang mga maduhaduhaon, ug ang mga malaw-ayon, ug ang mga mamumuno, ug ang mga makighilawason, ug ang mga lumayan, ug ang mga nagasimba sa mga dios-dios, ug ang tanan nga mga bakakon, mabahinan sila didto sa linaw, nga nagadilaab sa kalayo ug azufre; nga mao ang ikaduha nga kamatayon.

III NAMATAY SI KRISTO PARA SA ATONG MGA SALA.

Roma 5:8 Apan ang Dios nagapasundayag sa iyang kaugalingong gugma alang kanato, nga, sa mga makasasala pa kita, si Cristo namatay tungod kanato.

Roma 14:9 Kay alang niini nga tuyo namatay si Cristo ug nabuhi pag-usab, aron siya mahimong Ginoo sa mga minatay ug sa mga buhi usab.

Roma 6:23a Kay ang bayad sa sala mao ang kamatayon; apan ang walay-bayad-nga hatag sa Dios mao ang kinabuhi nga walay katapusan nga anaa kang Cristo Jesus nga atong Ginoo.



NAMATAY SI KRISTO PARA SA MGA MAKASASALA.

IV ANG KALUWASAN USA KA LIBRE NGA GASA, DILI SA MAAYO TA NGA BUHAT. TUOHI ANG GIINGON SA PULONG SA GINOO UG SALIG KANG HESUS LAMANG!

Mga Buhat 4:12 Ug diha sa lain walay kaluwasan gikan kang bisan kinsa, kay walay lain nga ngalan sa ilalum sa langit, nga nahatag sa taliwala sa mga tawo, nga diha kaniya mangaluwas kita.

Taga Efeso 2:8-9 Kay tungod sa gracia naluwas kamo pinaagi sa pagtoo, ug kana dili gikan sa inyong kaugalingon; kini hatag sa Dios: Dili tungod sa mga buhat, aron walay bisan kinsa nga mangandak.

Tito 3:5 Dili gikan sa mga buhat sa pagkamatarung nga atong ginapamuhat, kondili sumala sa iyang kalooy, giluwat kita niya pinaagi sa paghugas sa bag-o nga pagkatawo, ug sa pagbag-o sa Espiritu Santo;



V ATONG IBUTANG ANG PAGTOO UG PAGSALIG KANG KRISTO PARA SA ATONG KALUWASAN.

Roma 10:9-10,13 Kay kong igasugid mo sa imong baba si Jesus ingon nga Ginoo, ug motoo ka sa imong kasingkasing nga ang Dios nagbanhaw kaniya gikan sa mga minatay, mamaluwas ikaw. Kay uban sa kasingkasing ang tawo mitoo ngadto sa pagkamatarung; ug uban sa baba may pagsugid nga ginabuhat ngadto sa kaluwasan. Kay bisan kinsa nga magatawag sa ngalan sa Ginoo, mamaluwas siya.

KUNG BUOT IKAW NGA MODAWAT KANG KRISTO HESUS NGA IMONG MANLULUWAS, ANIA ANG ALAMPOON. ANG PAG AMPO NIINI O BISAN UNSA MAN NGA ALAMPOON DILI MAKALUWAS KANIMO. ANG PAGSALIG LAMANG KANG HESUKRISTO ANG MAKAHATAG UG KAPASAYLOAN SA SALA. KINI NGA PAG AMPO MAO ANG SIMPLE NGA PAMAAGI PARA NIMO MASUGID ANG IMONG PAGTOO KANIYA UG PAGPASALAMAT KANIYA SA PAGHATAG KANIMO SA KAPASAYLOAN.

“GINOO,

NASAYOD AKO NGA AKO MAKASASALA. NAKABALO KO NGA ANGAYAN AKO SA BUGTI SA AKONG SALA. APAN, AKO KARON NAGTUGYAN SA AKONG PAGSALIG NI HESUKRISTO ISIP AKONG MANGLULUWAS. NAGATOO AKO NGA ANG IYANG KAMATAYON UG PAGKABANHAW NAGAHATAG KANAKO SA KAPASAYLOAN. MISALIG AKO KANG HESUS UG KANG HESUS LAMANG NGA AKONG PERSONAL NGA GINOO UG MANGLULUWAS. SALAMAT GINOO, SA PAGLUWAS UG PAGPASAYLO KANAKO! AMEN!”